



# Siamsin Bulletin

VOL XXV ISSUE NO. 1

PUBLISHED BY: PUBLICITY & MEDIA, SSPP JHQ DELHI

APRIL 12, 2020

## BIBLE CHANG TEEL

EKLISIASTI 11 : 9

Aw tangval, na tuailai in kipak in: na tuailai nite ah na lungtang in hon kipaksak hen, na lungtang lampite ah leh, na mitte muh in om in: himahleh hiai thilte tengteng ziak in Pathian in nang vaihawmna a hon pi ding ahi chih thei in.

## DELHI YOUNG PAITE ASSOCIATION A KIPAN

### DYPA COVID-19 HELPLINE

Tu Lockdown sung a suansam thei dinmun leh haksatna tuak i omleh hiai a nuai a Helpline number kipia ah chiklaipeuh in thuzak ni. Relief na dan in mimal khat ah huhna Rs 1000/- tan leng muhtheih ding hi.

### DYPA HELPLINE NUMBERS :

DELHI SOUTH AREA:

Juan Khuptong – 9899226337

NORTH DELHI AREA:

Joel P Ngaihte – 9971391243

DELHI WEST AREA:

Thangkhansiam Naulak – 9871337161

### DYPA JHQ :

Hau Tunglut – 9953552369

Lamlun Munluah – 9818431467

Jh Gimmung - 8826409975

## Editorial Board bawlkhiak in om

Siamsinpawlpi Joint Headquarters, Delhi Executive Meeting nisim 14 March, 2020 a neihna hun a Meeting Resolution 3na pansan in Siamsin Bulletin Editorial Board guanna nisim 3rd April, 2020 a neih in om a, hiai a nuai a te Editorial Board ding a seh a hi uh;

1. **M. Liankhansiam** – Editor
2. **L. Kaichinpau** – Assistant Editor
3. **Thanglianmang @ Mangpi Vualzong** – Joint Editor
4. **Ginkhansiam @ Siam Dousel** – Joint Editor
5. **Dongkhansiam @ Siampu Thomte** – Consultant
6. **Minsang Guite** – Consultant

## Member guanbeh in om

Siamsinpawlpi Joint Headquarters, Delhi a mun awng tuamtuam omte huk dim na nei uhi. Nisim 25th January, 2020 Executive Meeting, Agenda No.2 leh Resolution No.2 a kigen bang in Cabinet Assistant Secretary mun-awng leh Department tuamtuam a mun-awng omte hukdimna diing in hiai anuai a bang in nna gotna kinei hi:

### Cabinet:

Assistant Secretary: **L. Kaichinpau**

### Games and Sports Department:

1. Assistant Secretary: **Thangsuanlian**
2. Assistant Secretary: **Thanggousuan**
3. Assistant Secretary: **Niangbiakmoi @Judy Moi**

### Education Department:

1. Assistant Secretary: **Lalboi Mangte**

Sd/-  
Secretary  
SSPP JHQ, Delhi.

Delhi huamsung a om Siamsinpawlpi member khempeuh hiai Bulletin tungtawn in Happy Easter Sunday kon bawl uhi. Tuni zatnuam chiatni.

–SSPP JHQ, Delhi Executive members

## Editorial

# Covid-19 leh Siamsin lungput

Kum 2020 kumbul January a i omlai un tua i tuah lel uh hiipi(COVID-19) in i teen na uh hon hetkha ding in ngaihtuah na ah i munban hetkei uhi. Tua ahilhai in hiai hiipi in masawn zel in khovel pumpi hon zelsuak in khovel kumpite lungmuang theilou in koih hi. Hiai bang haksatna i tuah un ei teenna mun ah leng skul leh college-te kikhakna kha 2/3 bang hong hita hi. Huchih hun lai in ka siamsinpih a neupen a pan a lianpen tan in bang hih in hiai hun i zang ding ua aw chih lungsim ah hong lang mahmah hi.

WHO inleng hiai natna hiipi 'pandemic' chi in michih kikep ding dan leh kiveen ding dan tamtak genta uhi. India kumpite'n leng tua mah bang in 'Janata Curfew' leh 'Complete Lockdown' hon puang ua hiai in hindan ngeina teng buaisak zou mahmah ta hi. Mimal kikep ding dan leh potlough ding chihte tangpi thei ahi pen hi.

Aihleh tu hun in skul kai naupang neu nei nu-le-pate'n hiai Lockdown hamphatna in la in i ta-le-naute un assignment a neihte uh hihpih in sinsiam sakna in hun zangleng skul hong kihong hun Chiang in i ta-le-naute hamhaihtak in omlou ding uhi. Tuata zouta a hih uleh leng a khalam ding uh awlmohna toh in niteng in Bible tang 1 bang sinpih gige leng a hun-awl kal uh manpha pen in i zatpih khazaw ding un gintak huai i sa hi. I van neihte - phone, iPad, computer leh a dangdang-te a hun i zat beisak maimah sang in a syllabus uh bang etpih in innkuan sungah tuabang in tate kepna a panlakna hun in tu hun i zang di uam?

College kailai a bik in BA, MA leh asang lam ziltheite Chiang inleng hiai hiipi Covid-19 om pen phavang tutmuang mailou in hiai hun hoih na neih bang chin na zang a le? Na laibu nikhat in dakkal bang zah na phenta a? Ngaihsak lou a na table tungkhong a leivui khu toh omsak phitphet na hita hiam? Tu bang hun pen nang a ding a hun hoih a hihman in College kai a na buailouh sung in a tam theilam na textbook-te honna hun in zang ding in i kiasuan hi. Tua hilou a phone siksik, PUBG asun-azan a kimawlna hun a zang na hikha hia, aihkeileh serial tuamtuam etna kia khawng a hun zang na hikha hia Sanggam? Nahlohpek na utleh maw, tua na thilhihte koihkhiak hun ahi, lohchinna ding in thuk ngap leng poimoh ahi. Hiai hiipi chik hun in hong bei ding hiam chih bel i genthei hetkei, himahleh hong ven hun a om dia, tua hun in na exam toh hong kituak khapahta ding hi. Tua syllabus na zoh (cover) louhte uh nang leng na en a, na kisimthei hi. Paite khonnung pil hih sang in a hunlai in na lungsim bawl fel inla, student na hihna non kipan thak diam?

Hun in hon ngak lou a, lei theih leng hilou a hihman in hiai COVID-19 ziak a Lockdown pen panmun khohna, thathak lakna leh lungsim tak toh nu-leh-pa leh nam-le-gam' hon lam-et tapa/tanu laisiam hi vek thei ding in nang a om hihtheihna toh kalsuan thak ding in i kichial hi.





## Students Corner

### March 30

Dr. Ramesh Pokhriyal Nishank, Union Cabinet for Human Resource Development, Government of India in National Testing Agency kiang ah entrance examination tuamtuan a diing admission form piaklut hun suan diing in ngen hi.

Hiai entrance examination-te ahiehleh ICAR, JNU Entrance, UGC(NET), CSIR(NET), NCHM JEE, IGNOU PhD leh Management chihte ahi.

### April 9

Covid-19 hiipi in hindan ngeina nawngkaisak mahmah in, siamsinna lam leng nasatak in sukha a ,siamsinna inn teng khak vek in om hi. University of Delhi ngei leng sawtkuamtak khak hita a, 2020-21 Academic Session a diing admission process leng hunchiam omlou a dinkhawl in om hi. Huailou, in examination tengteng leng hunchiam omlou a suan in om .

### April 1

Corana Virus ziak a gamsung dinmun enkawm in HRD Ministry in CBSE kiang ah pawl 1 apan pawl 8 tan student-te pawl suansak vek diing in ngen a, pawl 10 leh 12 examination leng main subjects 29, pawl suantheihna leh university admission adia poimoh teng kia sai diing in ngen hi.

### April 6

Covid-19 in academic session pailen nasatak a nawngkaisak ahihdan theikawm in UGC in higher education sector lam kalsuan diingdan plan bawl diing in April 6 in member 7 omna panel phuan hi.

## SEPNA A KIPAN KHAWLTA

Advisory Board, SSPP JHQ Delhi a Vice-Chairman hihna lenlel a zahtakuai Pu Biaklun Shoute, a sepna Hindustan Unilever Limited(HUL) a kum 28 sung vingveng a sep nung in a paita nisim 31 March, 2020 in khawlta(retire-ta) hi.

A dinmun a kipan khawlta ding a hih kawmkawm in HUL in khelah mahmah leh a hihtheihna lunggulh lai a hihman in Legal & Corporate Affairs Department ah Consultant kum khat sung semlai ding in extension(renewable) ana mu khinta hi. Banah, HUL in India gam state 7 a Factory Expansion a bawlina dingte uah Project Team a koih inleng om a, Aman a hihleh HUL a a sepsung in Pahtakna thilpiak(Award) hunkhop leng ana dongkha hi.

Pu Biaklun Shoute a hihleh saptuam, khotang leh gam-le-nam a ding a mi kiphal, zattak, phatuamngai leh a hihtheihna tantan a kisit louhial a ana pang gige ahi. Tuabang a hihman in a omna munmun ah kuapeuh in kiphattuampih a, a mi-le-sate' a ding in vualzawlina hi gige hi.

A bik in SSPP DELHI aa ding a a kizatnate leh a phatuamngaihate phawk kawm in SSPP JHQ, DELHI min in a thak in kipahpihthu I gen a, maban ah leng thanuamtak leh kuhkaltak a hong septouh theih a, a mi-le-sate' aa ding a hong kizattouhzel deihsakna leng i khak ngal uhi.





## Paite General Knowledge

Eimite' lak a lehkhasiam masapen lawi leh khovel a gam changkangpen a kithei USA va sikkha masapen lak a leng telpha banah, a pilluat man a tunichiang a a min genmang moh a om **Pu H. Nengzachin** ahi. Aman Rostad Memorial School, Mission Compound ah teacher in sem hi.

A siamsinna kichiantak in theikei mahle hang a pilna leh theihnate i minam in i hamphatpihna penpen hi a kithei a hihleh Paite pau a Laisiangthou(Holy Bible) gelhkhe masapen hi a gen inleng om hi. Ama' Laisiangthou lehkhik pen tunitan a i Paite Laisiangthoute' lak a simnuam pen a gen inleng omlai hi.

Saptuam leh khotang vai awlmoh mahmah mi ahihziak in a sih dong Evangelical Baptist Convention saptuam ah dinmun poimoh taktak lenkha a, huailou in, 13 January, 1947 kum a Siamsinpawlpi phuhkhiak a hihlai inleng Founder Member khat leng ahi.

*Thil/thu poimoh mahmahte ngaihsaklou a i daihdide chiang in i hinkhua bei kipatna ahi.*

—Martin Luther King Jr.

*Zalenna kichi hon kipia a hikei a, en i lak ahi.*

—Subhash Chandra Bose

*Na lohchinna masa ah lungkimlua in khawl tawldam maimah ken, aziak bel, a nawnchiang a na lohsap leh mi tampi'n na lohchinna masapen na dau a hatziak lel, hon chihsak ding uh ahi.*

—Dr. APJ Abdul Kalam

*Ka hauhsakna thuguk bel ka laklut tamziak hilou in ka piakkhiak tamziak ahi zaw.*

—Bill Gates

*Hangsanna i chih dingkhia a genkhiak ngamna kia hilou in, tukawm a ngaihkhik theihna leng ahi.*

—Winston Churchill

*Khovel a na hon muh nawnlouh chiang un kei zaw a si ka hikei di'a, ka omna mun kikhek hilel ding ahi.*

—Billy Graham

### Editorial Board

#### Editor:

M. Liankhasiam

#### Assistant Editor:

L. Kaichinpau

#### Joint Editors:

Thanglianmang Vualzong

Ginkhasiam Dousel

#### Consultants:

Siampu Thomte

Minsang Guite

#### Office:

**Siamsinpawlpi JHQ/Delhi**

N-258, Sector 8, R.K. Puram,

New Delhi - 110022